

唐四家诗集 二二

〔清〕胡凤丹辑

徐明文青校点

辽宁教育出版社

新世纪万有文库
新世纪



新世纪



新世纪万有文库

本文库为国家“九五”重点图书出版规划项目

唐四家诗集

〔清〕胡凤丹辑
徐明文青校点

辽宁教育出版社

二

【目录】

唐四家诗集序 / 1

凡例 / 2

王綰川集 / 3

王綰川集序 / 5

王綰川集目录 / 7

王綰川集卷一 / 20

王綰川集卷二 / 52

王綰川集卷三 / 71

王綰川集卷四 / 82

孟襄阳集 / 99

孟襄阳集序 / 101

孟襄阳集目录 / 102

孟襄阳集卷一 / 113

孟襄阳集卷二 / 129

韦苏州集 / 171

韦苏州集序 / 173

韦苏州集目录 / 174

韦苏州集卷一 / 195

韦苏州集卷二 / 204

韦苏州集卷三 / 217

韦苏州集卷四 / 230

韦苏州集卷五 / 246

韦苏州集卷六 / 263

韦苏州集卷七 / 277

韦苏州集卷八 / 293

韦苏州集卷九 / 308

韦苏州集卷十 / 314

柳柳州集 / 323

柳柳州集序 / 325

柳柳州集目录 / 326

柳柳州集卷一 / 333

柳柳州集卷二 / 343

柳柳州集卷三 / 354

柳柳州集卷四 / 369

采辑历朝诗话辨讹考

异坵 / 381

历朝诗话书目 / 383

采辑历朝诗话 / 384

唐四家诗集辨讹考

异 / 395

唐四家诗集辨讹考异采

引书目 / 397

王綰川集辨讹考异 / 398

孟襄阳集辨讹考异 / 419

韦苏州集辨讹考异 / 443

柳柳州集辨讹考异 / 478

韦苏州集卷六

怀思

有所思

借问堤上柳，青青为谁春？空游昨日地，不见昨日人。缭绕万家井，往来车马尘。莫道无相识，要非心所亲。堤上，一作江上。

暮相思

朝出自不还，暮归花尽发。岂无终日会，惜此花间月。空馆忽相思，微钟坐来歇。来，或作未。

夏夜忆卢嵩

霭霭高馆暮，开轩涤烦襟。不知湘雨来，潇洒在幽林。一云不知微萧洒，山鸟鸣幽林。炎月得凉夜，芳樽谁与斟。故人南北居，累月间徽音。人生无闲日，欢会当在今。反侧候天旦，层城苦沈沈。

春思

野花如雪绕江城，坐见年芳忆帝京。阊阖晓开凝碧树，曾陪

鸳鸯听流莺。

春中忆元二

雨歇万井春，柔条已含绿。徘徊洛阳陌，惆怅杜陵曲。游丝正高下，啼鸟还断续。有酒今不同，思君莹如玉。

怀素友子西

广陌并游骑，公堂接华襟。方欢遽见别，永日独沈吟。阶暝流暗驶，气疏露已侵。层城淇深夜，片月生幽林。往款良未遂，来覩旷无音。恒当清觞宴，思子玉山岑。耿耿何以写，密言空委心。

对韩少尹所赠硯有怀

故人谪退远，留硯宠斯文。白水浮香墨，清池满夏云。念离心已永，感物思徒纷。未有桂阳使，裁书一报君。

月晦忆去年与亲友曲水游宴

晦赏念前岁，京国结良俦。骑出宣平里，饮对曲池流。今朝隔天末，空园伤独游。雨歇林光变，塘绿鸟声幽。凋甿积逋税，华鬓集新秋。谁言恋虎符，终当还旧丘。

清明日忆诸弟

冷食方多病，开襟一忻然。终令思故郡，烟火满晴川。杏粥

犹堪食，榆羹已稍煎。唯恨乖亲燕，坐度此芳年。

池上怀王卿

幽居捐世事，佳雨散园芳。入门霭已绿，水禽鸣春塘。重云始成夕，忽霁尚残阳。轻舟因风泛，郡阁望苍苍。私燕阻外好，临欢一停觞。兹游无时尽，旭日愿相将。

立夏日忆京师诸弟

改序念芳辰，烦襟倦日永。夏木已成阴，公门昼恒静。长风始飘阁，叠云才吐岭。坐想离居人，还当惜徂景。一作光景。

晓至园中忆诸弟崔都水

山郭恒悄悄，林月亦娟娟。景清神已澄一作谧，事简虑绝。幸。秋塘遍衰草，晓露洗红莲。不见心所爱，兹赏岂为妍。

怀琅琊深标二释子

白云埋大壑，阴崖滴夜泉。应居西石室，月照山苍然。

雨夜感怀

微雨洒高林，尘埃自萧散。耿耿心未平，沈沈夜方半。独惊长簟冷，遽觉愁鬓换。谁能当此夕，不有盈襟叹。

云阳馆怀谷口

清泚阶下流，云自谷口源。念昔白衣士，结庐在石门。道高

杳无累，景静得忘言。山夕绿阴满，世移清赏存。吏役岂遑暇，幽怀复朝昏。云泉非所濯，萝月不可援。长往遂真性，暂游恨卑喧。出身既事世，高躅难等论。

忆沔上幽居

一来当复去，犹此厌樊笼。况我林栖子，朝服坐南宫。唯独问啼鸟，还如沔水东。

重九登滁城楼忆前岁九日归沔上 赴崔都水及诸弟宴集凄然怀旧

今日重九宴，去岁在京师。聊回出省步，一赴郊园期。嘉节始云迈，周辰已及兹。秋山满清景，当赏属乖离。凋散民里阔，摧翳众木衰。楼中一长啸，恻怆起凉飚。

始夏南园思旧里

夏首云物变，雨馀草木繁。池荷初帖水，林花已扫园。紫丛蝶尚乱，依阁鸟犹喧。对此残芳月，忆在汉陵原。

登蒲塘驿沿路见泉谷村墅忽想京师旧居追怀昔年

青山导骑绕，春风行旆舒。均徭视属城，问疾躬里闾。烟水依泉谷，川陆散樵渔。忽念故园日，复忆骊山居。荏苒斑鬓及，梦寝婚宦初。不觉平生事，咄嗟二纪馀。存没阔已永，悲多欢自疏。高秩非为美，阑干泪盈裾。

行旅

经函谷关

洪河绝山根，单轨出其侧。万古为要枢，往来何时息。秦皇既恃险，海内被吞食。及嗣同覆颠，咽喉莫能塞。炎灵讫西驾，娄子非经国。徒欲扼诸侯，不知恢至德。圣朝及天宝，豺虎起东北。下沈战死魂，上结穷冤色。古今虽共守，成败良要识。藩屏无俊贤，金汤独何力。驻车一登眺，感慨中自恻。

经武功旧宅

兹邑昔所游，嘉会常在目。历载俄二九，始往今来复。感感居人少，茫茫野田绿。风雨经旧墟，毁垣迷往躅。门临川流驶，树有羈雌宿。多累恒悲往，长年觉时速。欲去中复留。徘徊结心曲。徘徊，一作彷徨。

往云门郊居涂经回流作

兹晨乃休暇，适往田家庐。原谷经涂涩，春阳草木敷。才遵板桥曲，复此清涧纡。崩壑方见射，回流忽已舒。明灭泛孤景，杳霭含夕虚。无将为邑志，一酌澄波馀。经涂，一作径涂。

乘月过西郊渡

远山含紫氛，春野霭云暮。值此归时月，留连西涧渡。谬当文墨会，得与群英遇。赏逐乱流翻，心将清景悟。行车俨未转，芳草空盈步。已举候亭火，犹爱村原树。还当守故扃，恨恨乘幽

素。乘，一作乘。

晚归泮川

凌雾朝闾阖，落日返清川。簪组方暂解，临水一悠然。昆弟忻来集，童稚满眼前。适意在无事，携手望秋田。南岭横爽气，高林绕遥阡。野庐不锄理，翳翳起荒烟。名秩斯逾分，廉退愧不全。已想平门路，晨骑复言旋。

授衣还田里

公门悬甲令，浣濯遂其私。晨起怀怆恨，野田寒露时。气收天地广，风凄草木衰。山明始重叠，川浅更逶迤。烟火生闾里，禾黍积东菑。终然可乐业，时节一来斯。

夕次盱眙县

落帆逗一作透淮镇，停舫临孤驿。浩浩风起波，冥冥日沈夕。人归山郭暗，雁下芦洲白。独夜忆秦关，听钟未眠客。

春月观省属城始憩东西林精舍

因时省风俗，布惠迫高年。建隼出浔阳，整驾游山川。白云敛晴壑，群峰列遥天。嵒崎石门状，杳霭香炉烟。榛荒屡冒里，逼侧殆覆颠。方臻释氏庐，时物屡华妍。县远昔经始，于兹閤幽玄。东西竹林寺，灌注寒涧泉。人事既云泯，岁月复已绵。殿宇馀丹雘，磴阁峭欹悬。佳士亦栖息，善身绝尘缘。今我蒙朝寄，教化敷里鄣。道妙苟为得，出处理无偏。心当同所尚，迹岂辞缠牵。

自蒲塘驿回驾经历山水

馆宿风雨滞，始晴行盖转。浔阳山水多，草木俱纷衍。崎驱缘碧涧，苍翠践苔藓。高树夹潺湲，崩石横阴岫。野杏依寒拆，馀云冒岚浅。性惬形岂劳，境殊路遗缅。忆昔终南下，佳游亦屡展。时禽下流暮，纷思何由遣。

山行积雨归涂始霁

揽辔穷登降，阴雨遘二旬。但见白云合，不睹岩中春。急涧岂易揭，峻涂良难遵。深林猿声冷，沮洳虎迹新。始霁升阳景，山水阅清晨。杂花积如雾，百卉萋已陈。鸣驺屡骧首，归路自忻忻。

感叹

伤 逝 此后十九首，尽同德精舍旧居伤怀时所作。

染白一为黑，焚木尽成灰。念我室中人，逝去亦不回。结发二十载，宾敬如始来。提携属时屯，契阔忧患灾。柔素亮为表，礼章夙所该。仕公不及私，百事委令才。一旦入闺门，四屋满尘埃。斯人既已矣，触物但伤摧。单居移时节，泣涕抚婴孩。知妄谓当遣，临感要难裁。梦想忽如睹，惊起复徘徊。此心良无已，绕屋生蒿莱。

往富平伤怀

晨起凌严霜，恸哭临素帷。驾言百里涂，恻怆复何为。昨者

仕公府，属城常载驰。出门无所忧，返室亦熙熙。今者掩筠扉，但闻童稚悲。丈夫须出入，顾尔内无依。衔恨已酸骨，何况苦寒时。单车路萧条，回首长逶迟。飘风忽截野，嘹唳雁起飞。昔时同往路，独往今讵知。

出 还

昔出喜还家，今还独伤意。入室掩无光，衔哀写虚位。凄凄动幽幔，寂寂惊寒吹。幼女复何知，时来庭下戏。咨嗟日复老，错莫身如寄。家人劝我餐，对案空垂泪。

冬 夜

杳杳日云夕，郁结谁为开。单衾自不暖，霜霰已皑皑。晚岁沦凤志，惊鸿感深哀。深哀当何为，桃李忽凋摧。帟帟徒自设，冥冥岂复来。平生虽恩重，迁去托穷埃。抱此女曹恨，顾非高世才。振衣中夜起，河汉尚徘徊。

送 终

奄忽踰时节，日月获其良。萧萧车马悲，祖载发中堂。生平同此居，一旦异存亡。斯须亦何益，终复委山冈。行出国南门，南望郁苍苍。日入乃云造，恸哭宿风霜。晨迁俯玄庐，临诀但遑遑。方当永潜翳，仰视白日光。俯仰遽终毕，封树已荒凉。独留不得还，欲去结中肠。童稚知所失，啼号捉我裳。即事犹仓卒，岁月始难忘。

除 日

思怀耿如昨，季月已云暮。忽惊年复新，独恨人成故。冰池

始泮绿，梅援一作梢还飘素。淑景方转延，朝朝自难度。

对 芳 树

迢迢芳园树，列映清池曲。对此伤人心，还如故时绿。风条洒馥霭，露叶承新旭。佳人不再攀，下有往来躅。

月 夜

皓月流春城，华露积芳草。坐念绮窗空，翻伤清景好。清景终若斯，伤多人自老。

叹 杨 花

空蒙不自定，况值暄风度。旧赏逐流年，新愁忽盈素。才紫下苑曲，稍满东城路。人意有悲欢，时芳独如故。

过昭国里故第

不复见故人，一来过故宅。物变知景暄，心伤觉时寂。池荒野筠合，庭绿幽草积。风散花意谢，鸟还一作啼山光夕。宿昔方同赏，讵知今念昔。絨室在东厢，遗器不忍覩。柔翰全分意，芳巾尚染泽。残工委筐篋，馀素经刀尺。收此还我家，将还复愁惕。永绝携手欢，空存旧行迹。冥冥独无语，杳杳将何适。唯思今古同，时缓伤与戚。

夏 日

已谓心苦伤，如何日方永。无人不昼寝，独坐山中静。悟澹

将遣虑，学空庶遗境。积俗易为侵，愁来复难整。

端居感怀

沈沈积素抱，婉婉属之子。永日独无言，忽惊振衣起。方如在韩室，复悟永终已。稚子伤恩绝，盛时若流水。喧凉同寡趣，朗晦俱无理。寂性常喻人，滞情今在已。空房欲云暮，巢燕亦来止。夏木遽成阴，绿苔谁复履。感至竟何方，幽独长如此。

悲纨扇

非关秋节至，诤是恩情改。掩喉人已无，委篋凉空在。何言永不发，暗使销光彩。

闲斋对雨

幽独自盈抱，阴淡亦连朝。空斋对高树，疏雨共萧条。巢燕翻泥湿，蕙花依砌消。端居念往事，倏忽若惊飚。

林园晚霁

雨歇见青山，落日照林园。山多一作夕烟鸟乱，林清风景翻。提携唯子弟，萧散在琴言。同游不同意，耿耿独伤魂。寂寞钟已尽，如何还入门。琴言，一作琴尊。

秋夜二首

庭树转萧萧，阴虫还戚戚。独向高斋眠，夜闻寒雨滴。微风

时动牖，残灯尚留壁。惆怅平生怀，偏来委今夕。

霜露已凄漫，星汉复昭回。朔风中夜起，惊鸿千里来。萧条凉叶下，寂寞清砧哀。岁晏仰空宇，心事若寒灰。

感 梦

岁月转芜漫，形影长寂寥。仿佛覩微梦，感叹起中宵。绵思霭流月，惊魂飒回飚。谁念兹夕永，坐令颜鬓凋。

同德精舍旧居伤怀

洛京十载别，东林访旧扉。山河不可望，存殁意多违。时迁迹尚在，同去独来归。还见窗中鸽，日暮绕庭飞。

悲 故 交

白璧众求瑕，素丝易成污。万里颠沛还，高堂已长暮。积愤方盈抱，缠哀忽逾度。念子从此终，黄泉竟谁诉。一为时事感，岂独平生故。唯见荒丘原，野草涂朝露。

张彭州前与缙氏冯少府各惠寄一篇多故未 答张已云没因追哀叙事兼远简冯生

君昔掌文翰，西垣复石渠。朱衣乘白马，辉光照里闾。余时忝南省，接宴愧空虚。一别守兹郡，蹉跎岁再除。长怀关河表，永日简牍馀。郡中有方塘，凉阁对红蕖。金玉蒙远贶，篇咏见吹嘘。未答平生意，已没九原居。秋风吹寝门，长恸涕涟如。覆视缄中字，奄为昔人书。发鬓已云白，交友日凋疏。冯生远同恨，

憔悴在田庐。

东林精舍见故殿中郑侍御题诗追旧书情 涕泗横集因寄呈阎沔州冯少府

仲月景气佳，东林一登历。中有故人诗，凄凉在高壁。精思长悬一作怀世，音容已归寂。墨泽传洒馀，磨灭亲翰迹。平生忽如梦，百事皆成昔。结骑京华年，挥文篋笥积。朝廷重英彦，时辈分珪璧。永谢柏梁陪，独阙金门籍。方婴存没感，岂暇林泉适。雨馀山景寒，风散花光夕。新知虽满堂，故情谁能觌。唯当同时友，絳寄空凄感。

同李二过亡友郑子故第

李与之故，非予所识。

客车名未灭，没世恨应长。斜月知何照，幽林判自芳。故人惊逝水，寒雀噪空墙。不是平生旧，遗踪要可伤。

话旧 亭中对兄弟话兰陵、崇贤、怀真已来故事，泫然而作。

存亡三十载，事过悉成空。不惜沾衣泪，并话一宵中。

至开化里寿春公故宅

宁知府中吏，故宅一徘徊。历阶存往敬，瞻位泣馀哀。废井没荒草，阴牖生绿苔。门前车马散，非复昔时来。

睢阳感怀

豺虎犯天纲，升平无内备。长驱阴山卒，略践三河地。张侯

本忠烈，济世有深智。坚壁梁宋间，远筹吴楚利。穷年方绝输，邻援皆携贰。使者哭其庭，救兵终不至。重围虽可越，藩翰谅难弃。饥喉待危巢，悬命中路坠。甘从锋刃毙，莫夺坚贞志。宿将降贼庭，儒生独全义。空城唯白骨，同往无贱贵。哀哉岂独今，千载当歔歔。

广德中洛阳作

生长太平日，不知太平欢。今还洛阳中，感此方苦酸。饮药本攻病，毒肠翻自残。王师涉河洛，玉石俱不完。时节屡迁斥，山河长郁盘。萧条孤烟绝，日入空城寒。蹇劣乏高步，缉遗守微官。西怀咸阳道，踟躕心不安。

闾门怀古

独鸟下高树，遥知吴苑园。凄凉千古事，日暮倚闾门。

感 事

霜雪皎素丝，何意坠墨池。青苍犹可濯，黑色不可移。女工再三叹，委弃当此时。岁寒虽无褐，机杼谁肯施。

感 镜

铸镜广陵市，菱花匣中发。宿昔尝许人，镜成人已没。如冰结圆器，类璧无丝发。形影终不临，清光殊不歇。一感平生言，松枝树秋月。树，一作挂。

叹白发

还同一叶落，对此孤镜晓。丝缕乍难分，杨花复相绕。时役人易衰，吾年白犹少。